

произведенияби дучахути сари. Илди классуназиб программали цаургабла хясибли писательти акнила ва илдани произведениеби делкнила гьаб-гьегидеш хясибли произведениеби дучахъес чебилахути саби.

Чедирти классунала дурхнас литературала дурсри кадирхънила мягнинчерти талабуназибад ца саби литературала произведениебас, чузиб ирзуси масъала хясибли, заманаличи балбикахъили, лайкъси кымат бедлугес, илдала тема ва бекі мягна белгидирес бални.

Программали чебаахъни хясибли, чедирти классуназиб руркъуси материал удирти классуназиб белчунсилчил уржили бархбасунси саби, амма ил тикрарбикіуси акен. Чумал класслизир цабехі авортала произведениеби руркъули дирар, амма илди декларти сари.

Халкъла мухлила пагмула произведениеби руркънила къяйда ишгуна саби: V класслизир - халкъла хабурти, буралаби, багыраби; VI класслизир - эпосла далуйти; VII класслизир - лирикала далуйти. X класслизир халкъла мухлила пагмуличила дурхнани тинтисі багуди кайсу.

Литературала произведениеби руркъниличил дарх дурхнази литературала теорияла шайирти гьалар-гьаларти багудлумира кайсахути сари. Дурхнала къалабали, саркъахъили, иргъули бучнила уstadеш гьаладахи аркути сари. Произведениела анализ бирахъес, илис лайкъси кымат бедлугахъес бучанги бурсибирути саби.

Литературала дурсрачиб учительлис чараагарли гягнибиркур руркъуси произведениела чебкад илис кымат лугуси хянчи дурабуркес. Имцаливан пикри бяхичаэс чебиркур дурхнала гямруличил уржили дархдасунти анцбукъуначи. Дурхнала бучнила уstadеш ва саркъибдеш ункъдиклахънила суал учительла гьар бархила херудилиуб бизес гягниси саби. Кымат кабалтукхелира, ил секлал хисаблизі кайсес гягнибиркур.

Чедирти классунала дурхнас литературала дурсри кадирхънила мягнинчерти талабуназибад ца саби литературала произведениебас, чузиб ирзуси масъала хясибли, заманаличи балбикахъили, лайкъси кымат бедлугни, тема ва бекі мягна белгидирес бални.

Халкъла мухлила пагмула произведениеби дучахънила деклар-ти декларти къяйдурти лерти сари. Масала, халкъла хабурти дучахъухели, илдала бучнабуцличила учительли саркъахъили хабар

буру, далуйти дучахъухели биалли, назмурти дучахънила къяйдурти дучахути сари.

Лирикала биштаси назму, сунела мягна ва художестволаси хасдеш аргънилис кумеклидияхъес суалтира кадатурли, класслизиб арагелбли белчи, кыматла бируси саби.

Басня бучухели, гьалахили авторла пикри хлебурили, сунела художествола хасдеш хясибли, саби дурхнази илала белгити образуну пикридрахъес ва илала гьегти чула пикри бурахъес, бекі мягна гьарбарахъес батни гяхисі саби.

Эпосла назмула анализ барес виар, дурхнази илала бучнабуц ва мягна иргъни гьамадбияхъес багъандан, учительли къанги-къантисі ихтилат дураберкнила гьуйчил.

Лирикала ва эпосла далуйти, назмурти яра диштати поэмаби, цадеклизирад цадекі декларти дигъни багъандан, илди дучнила тяхярра деклар-декларси бируси саби.

Драмала произведениеби класслизир дучухели, бутакъанчыбала хасият-табигиятличі ва илдала баркъудлумачи пикри бяхичаэс, илдала гьайла хасдешуни хясибдирес чебиркур.

Даргала литературала программали талаббирули саби произведениеби дучниличил дарх белкна ва мухлила хянчурби дурадуркнира, гьар классис илдала къадарра белгибарибси саби.

Руркъуси темалис чедаахъити сягятуни имцали яра камли диалли, учительла пикри хясибли, илди дарсдарес виар.

V - XI ибти классуназиб программала беклибиубси бутла даргала литератураличила саби. Дагъиста миллатунала литературара лерилра классуназиб гибси саби. Илала къадар ишгуна саби: V - IX ибти классуназиб - авал бутала ца бутла, X - XI ибти классуназиб - авал бутала хябал бутла.

Программали гьарил темалис гьегти чула делчахъес маслигятдирути произведениебира чедаахъили сари.

V - XI ибти классуназир классла дурар делчахъес маслигят-дарибти произведениебира лер. Илдани дурхнала багудлуми мухъдиклахъу ва имцадиряхъу. Учителли библиотекала имканти ва сунела пикри хисаблизі касили, программали чедаахъити произведениеби имца-камдарес виар. Илдигъунти дурсрачи дарган мезличил дурадулхути журналти ва газетаби хердирути сари.